

PRES KONFERENCIJA ZA MEDIJE 26.02.2007.godine.

Na press konferenciji održanoj dana 26.02.2007. godine u Kantonalnom sudu Novi Travnik, predsjednica suda Katica Jozak-Mađar predstavnicima medija: HRTV Kiseljak, RTV Travnik, "Dnevnog avaza" i Radio postaje Novi Travnik, prezentirala rezultate rada Kantonalnog suda Novi Travnik u 2006. godini.

Predsjednica suda naročito je istakla potrebu Kantonalnog suda Novi Travnik za imenovanjem još dva dodatna suca od strane Visokog sudbenog i tužiteljskog vijeća BiH i trajno rješavanje pitanja smještaja ove pravosudne institucije kupovinom zgrade suda.

Predsjednica suda je ukupne rezultate rada suda u 2006. godini ocijenila veoma uspješnim.

Ukupno je u radu pred ovim sudom bilo 8616 predmeta, a riješeno je 7170 predmeta.

Kolektivna godišnja norma suda je 136,6%.

Kvalitet rada suda ogleda se u tome da je odlukama Vrhovnog suda Federacije BiH samo u 12 % predmeta ukinuta odluka ovoga suda od ukupno 150 odluka koliko je bilo na rješavanju po pravnim lijekovima. U 85% predmeta odluke ovoga suda su potvrđene, a preinačene u oko 2%. U 35 predmeta došlo je do odbačaja pravnih lijekova od strane Vrhovnog suda Federacije BiH.

U 2006. godini održano 1841 glavnih pretresa, glavnih rasprava, sjednica vijeća, javnih sjednica vijeća i ročišta.

Na referatima građanskog odjeljenja ostvareni su također dobri rezultati u 2006. godini. Riješeno je ukupno 1266 GŽ, PŽ i U predmeta, što je za 119 predmeta više u odnosu na 2005. godinu ili 10%.

Stanje na referatima kaznenog odjeljenja je zadovoljavajuće i na nivou gotovo 100% ažurnosti.

U 2006. godini ukupno je riješen 41 kazneni predmet. Doneseno je 30 osuđujućih presuda prema 38 osoba, te 5 oslobađajućih presuda. Riječ je o nepravomoćnim presudama. Procesuirane su ukupno 54 osobe. Procenat osuđujućih osoba u odnosu na ukupan broj procesuiranih osoba je 70%. U 30 osuđujućih presuda izrečene su ukupno 144 godine i 6 mjeseci zatvora.

U 2006. godini riješena su 2 kaznena predmeta ratnih zločina i to:

- Predmet broj K-32/01-Rz, Pravdić Stjepan, izrečena kazna zatvora od 4 godine zbog kaznenog djela ratni zločin protiv civilnog stanovništva. Po žalbi Kantonalnog tužiteljstva Travnik, presudom Vrhovnog suda Federacije BiH pooštrena kazna zatvora na 6 godina. Presuda pravomoćna.

- Predmet broj: 006-0-K-06-000 001-Rz - Vrban Ened, Durakovć Šaćir i Karadža Nermin, kazneno djelo ratni zločin protiv ratnih zarobljenika, izrečena kazna zatvora Vrban Enedu i Duraković Šaćiru u trajanju od po 6 godina, a Karadža Nermin oslobođen optužbe. Radi se o nepravomoćnim presudama.